

Powšitkowne WOZJEWJENJA

njedźelu, 11. februara 2018

Kubłanske dny serbskeje młodžiny

Worklečanske dekanatne dušepastyrstwo młodžiny zarjaduje wot pjatka do njedźele, 2. do 4. měrca, kubłanske dny serbskeje młodžiny w Schmiedebergu. Přizjewjenja k tomu přijimuje wone hač do štwórtka, 22. februara, z mailku na don.boskowy-dom@t-online.de abo telefonisce pod čisłom (03 57 96) 9 55 95.

Duchowna hudźba w Budyšinje

„Mjez póstnicami a póstnym časom“ rěka tema duchowneje hudźby tutu njedźelu, 11. februara, we 18.00 hodź. w Budyskej cyrkwi Našeje lubeje knjenje. Zaklinča psalmowe spěwy Antonína Dvořáka a overcrossowe improvizacije. Duchownu hudźbu wohotuja Franciska Dillner-Koch, sopran, Friedemann Böhme na piščelach, Jan Brězan na gitarje a klawěrje, Józef Brězan na gitarje a Maks Schneider na cajonje. Zastup je darmotny. Wšitcy su wutrobnje přeprošeni.

Zhromadny dzeń za 3. a 4. lětnik

Dekanatne dušepastyrstwo přeprošuje džěci 3. a 4. lětnika štwórtk, 22. februara, wot 9 do 15 hodź. pod temu „Póstny čas a mój wopor?“ do Don Boskoweho domu we Worklecach. Zajimcy njech so prošu hač do póndźele, 12. februara, pod telefonowym čisłom (03 57 96) 8 87 07 abo z mailku na worklecy-kise@gmx.de přizjewja. Za wudawki dnja zběra so wobdžělnski přinošk we wysokosći štyrjoch eurow.

Póstne seminary w Smochćicach k temje měř

„Cyrkwje a wójna. Džensa so wo měř postarać“ rěka hłowna tema lětušich póstnych seminarow w Smochčanskim Domje biskopa Bena. Póndźelu, 19. februara, rěka tema „Mječe na radlicy – bě žno to?“, 26. februara „Wo měř bjez brónjow so postarać – dže da to?“ a 5. měrca „Brónjenje šwikać – dosaha to?“. Referenća su Harald Bretschneider, Reinhard Pappai, fararka Eva Hadem, dr. Jörg Lüer, farar Bernd Schaller a Annemarie Müller. Seminary, kotrež započnu so stajnje w 19.30 hodź., zarjaduja w kooperaciji Ewangelsko-lutherskeho cyrkwinskeho wobwoda Budyšin-Kamjenc, Budyskeho dekanata a Towarstwa Cyrila a Metoda z.t.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 6. měrca, w 14 hodź. do Domu biskopa Bena w Smochćicach přeprošeni. Zajimcy njech so prošu hač do pjatka, 2. měrca, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu. Tež druzy su wutrobnje witani.

Přednoškaj w putniskej hospodže

W Chróšćanskej putniskej hospodže změje Carsten Falkenstein z Erfurta sobotu, 17. februara, swětłowobrazowy přednošk k temje „Putnikować w Španiskej“. Tydžeń pozdžišo, 24. februara, budže Pětr Rab z Pančic-Kukowa tohorunja ze swětłowobrazami wo swojim pućowanju po Brazilskej přednošować. Započatk je stajnje w 19.45 hodž.

Kak džěci aktiwnje zapřijeć?

Čestnohamtscy pomocnicy a dalši zajimcy ze serbskich wosadow su na přednošk pod heslom „Kak džěci za Boha zahorić?“ přeprošeni. Referent za džěcacu pastoralku Drježdžansko-Mišnjanskeho biskopstwa Stephan Schubert nawjaza wutoru, 20. měrca, na swój přednošk w nowembru a chce so na tutym wječoru mjez druhim prašenju wěnować, kak móhli so džěci aktiwnje do Božeje mšě zapřijeć. Započatk je w 19.30 hodž. w Don Boskowym domje we Worklecach.

Do Lourdesa a Pólskeje

Přeprošuju na putniskej jězbej z busom wot srjedy, 4. apryla, do štwórtka, 12. apryla, do Lourdesa kaž tež wot srjedy, do njedźele, 23. do 27. meje, do Wrocławja a Krakowa. Nadrobniše informacije dóstanu zajimcy pod telefonowymaj čislomaj (01 63) 7 33 82 05 abo (03 57 96) 9 54 28 (po 19 hodž.) abo pola mnje w Hórkach, Sydlišćowy puć 2.

Maćij Hadank

Swobodne džělowe městno

W Domje swjateje Ludmile w Chróšćicach poskićamy džělowe městno k dohladowanju wobydlerjow. Městno ma so z 20 hodžinami wob tydžeń wobsadzić. Přizjewić smě so kóždy, kiž so rady ze staršimi ludźimi zaběra. Nadrobniše informacije dóstanjeće pola wjednistwa domu wosobinsce abo pod telefonowym čislom (03 57 96) 9 47 30.

Wendelin Brězan, nawoda

Atraktiwne džěło ze zbrašenymi

Za spěchowanje duchownje zbrašenych pyta Dom swjateho Jana w Smječkecach fachowu móc z kwalifikaciju ergoterapeuta, fyzioterapeuta abo hladarja respektiwnje kublarja zbrašenych. Džělowy čas je mjez 7.30 a 16.00 hodž. Městno ma so 1. apryla wobsadzić, a to najprjedy na wobmjezowany čas. Swoje požadanje měli zajimcy hač do srjedy, 28. februara, na adresu Dom swjateho Jana, Janska 1, 01920 Smječkecy, pósłać.

Póstne předowanja 2018

	Klášter srjedu 18.30 hodž. nyšpor	Zdžěr štwórtk 18.30 hodž. Boža mša	Budyšin štwórtk 18.00 hodž. Boža mša	Chróscicy pjatk 19.00 hodž. Boža mša	Wotrow pjatk 18.00 hodž. Boža mša	Bačoń njedzelu 14.00 hodž. nyšpor	Ralbicy njedzelu 14.00 hodž. nyšpor	Njebjelčicy njedzelu 14.00 hodž. nyšpor	Kulow njedzelu 14.00 hodž. nyšpor	Radwor njedzelu 14.00 hodž. nyšpor
spowědž	na nyšporje	po kemšach	po kemšach	do kemšow	do kemšow	na nyšporje	na nyšporje	na nyšporje	na nyšporje	na nyšporje
14.2.	Dzikiewicz									
15.2.		Delan	Deleńk							
16.2.				Delan	Śćapan					
18.2.						Deleńk	Dzikiewicz	Dawidowski	Anders	Delan
21.2.	Anders									
22.2.		M. Nawka	Dawidowski							
23.2.				Wornar	Anders					
25.2.						Dawidowski	M. Nawka	Delan	Deleńk	Śćapan
28.2.	Buliš									
1.3.		Buliš	Wornar							
2.3.				Śćapan	Dawidowski					
4.3.						Dzikiewicz	Jakubaš	Buliš	Wornar	Deleńk
7.3.	Jakubaš									
8.3.		Wornar	Buliš							
9.3.				M. Nawka	Jakubaš					
11.3.						Śćapan	Buliš	Jakubaš	Dzikiewicz	Dawidowski
14.3.	Wornar									
15.3.		Deleńk	Delan							
16.3.				Jakubaš	M. Nawka					
18.3.						Buliš	Wornar	Śćapan	Jakubaš	Dzikiewicz
21.3.	M. Nawka									
22.3.		Anders	Dzikiewicz							
23.3.				Anders	Delan					
25.3.						M. Nawka	Śćapan	Deleńk	Dawidowski	Anders

Póstni předarjo a jich temy

kanonik Wito Śćapan

Hlejće, drjewo křiža, na kotrymž wisalo zbožo swěta! Pójće, klakajmy a klońmy so Wumóžnikaj swěta na křižu!

farar Michał Nawka

Do Boha wěrić!?

farar Měrćin Deleńk

Do čorneho trjechi!

farar dr. Daniel Dzikiewicz

Modlitwa Wótčenaša z wočomajksegeta

kanonik Šćěpan Delan

„Jeli njewěriće, njewobstejiće“ (Jez 7,9)

farar Tomaš Dawidowski

Žiwy być ze swjatosćaceje hnady

farar Gerat Wornar

Rjedzić – nic jenož wonka

farar Beno Jakubaš

Přitomnosć

farar Michał Anders

Duchowna medicina

diakon dr. Jens Buliš

Ow hłowa krawa zbita

Pokutny porjad Drježdžansko-Mišnjanskeho biskopstwa

Modlenje a posćenje sluša bytostnje k žiwjenju po ewangeliju, dokelž je so tež Jězus modlił a so 40 dnjow posćić (přir. Mt 4,2). Ze štyrcećindnjowskim posćenjom přihotujemy so na swjatočne wopominanje Jězusoweje smjerće a jeho zrowastanjenja. Popjelna srjeda a wulki pjatk stej najwuznamnišej póstnej dnjej cyrkwinskeho lěta, na kotrymajž so jenož jónu najěš a so mjasnych jědžow cyle wzdaš. Džěci, chori a starši ludžo měli so na tutym posćenju znajmjeńša symbolisce wobdžělić. Wšitke pjatki w běhu lěta dopominaja nas na Knjezowe čerpenje a wumrěće. Tohodla wzdamy so pjatk tohorunja mjasnych jědžow abo zwjazamy so w konkretnej lubosci k blišemu abo w duchownym rozpominanju ze skřižowanym Zrowastanjenym. W našich swójbach pěstujemy tajki žiwjenski stil, kotryž zmóžnja nowy spočatk w Swjatym Duchu. Wot dorosćenych wothladaja sej džěci, zo njetrjebaš wšo měc, za čimž požadaš. Tež wěste swětnje zawjeselenja spřećiwjeja so póstnemu časej a jeho duchej wobnowjenja a rozpominanja. Srjedzišćo

jutrowneho časa, kotryž traje wot popjelneje srjedy hač do swjatkow, je eucharistija jako sakrament jutrowneho mysterija, z kotrehož cyrkej wuchadza. Tohodla kóždy wěriwy našeje cyrkwe znajmjeńša w tutym času džakownje a ponižnje sakrament wołtarja přijima, bywajo sej wědomy, zo stej wopor na křižu a wopor eucharistije jedyn jenički wopor (přir. Katechizm katolskeje cyrkwe 1367). Wuměnjenje su wěra, wu-jednanje a wotwobroćenje wot hrěchow, na kóždy pad wot čežkich hrěchow. Tohodla je jutrowna spowědž za kóždeho z nas wosebita hnada, w padže čežkeje winy pak njeaparujomnje trěbna do přijeca swjateho woprawjenja. Eucharistija je wjeršk wšitkich sakramentow, dokelž zdokona našu zchromadnosć z Bohom Wótcom w zjednoćenju z jednorodženym Synom přez Ducha Swjateho. Wona skruća zchromadnosć wěriwych (Ecclesia de Eucharistia 34). Štóz njemóže so na swjatym woprawjenju wobdžělić, je přeprašeny, to duchownje činić, zo by so tak z Chrystusom a z křesćanami hłubšo zjednočil.